

序

大低譜牒을 發刊하는 目的은 同族으로서 派別과 昭穆를 昭詳히 許히  
고 全宗族이 다 같아 統合團結하여 祖先을 崇奉하고各自의 先塋을 子  
子孫孫永遠히 保存도록 할지며 또한 族誼를 鼓吹하여 同族間親睦을 圖  
謀하고 人倫을 바로 잡아 世教를 扶植하고 나아가서는 同族의 繁榮을  
期하는데 目적이 있는 것이다

우리 康氏는 全國을 莫論하고 族譜를 最初로 發刊한 것은 距今二百七  
十五年前 嶺南派先祖保勝郎將仁碩公의 十一代孫朝散大夫前行成均館典籍  
友諒公이 主管하야 庚寅譜를 創刊하셨다

其後宗賢들의 甲午 甲子 甲寅 戊午 丁酉譜等 여려차례 譜牒을 刊行한  
바 있었으나 其當時는 交通通信이 極히 不便함에도 不顧하고 千里遠程  
의 坊坊谷谷까지 修單을 完畢하여 譜牒을 刊行한 宗賢의 勞苦는 筆舌로  
다形言할 수 없으며 登載된 其文獻과 子孫錄 忠誼孝行科爵錄等 내용이  
詳細하고 考證이 昭然하니 盡心竭力하신 諸宗賢의 赫赫하신 功績이 後  
孫들에게 亀鑑이 될것이다

우리 康氏의 得姓祖는 옛날 周나라 武王의 아우 康叔封의 二子侯로서  
箕子가 東方(朝鮮)으로 来臨할 때 隨而同來하와 나라에 大勳勞를 貢獻한  
바 체다고 記錄되어 있으며 其後近七十年代를 내려와서始祖이신 康虎景  
公께서는 新羅朝 貴族에 屬하는 聖骨將軍이시고 中始祖이신 康之淵公께  
서는 高麗明宗때 銀紫光錄大夫門下侍中(領議政)에 이르렀으며 忠烈王朝  
때에는 信城府院君에 封하게 되였고 公의 七代孫이 卽保勝郎將仁碩  
公이시다 吾康은 羅麗朝를 거쳐 李朝에 이르기까지 文章과 節義勳爵等  
顯達한 先賢들이 數를 헤아릴 수 없으나 그 行蹟은 忠誼孝行科爵錄에 詳  
細히 記錄되어 있음으로 이를 省略한다

乙酉年 解放後 時運으로 三八牆壁이 가로막혀 國土가 分斷되어 南北  
이 統合된 大同譜가 不可能함은勿論이요 또한 在南宗親의 各派에서도  
相互間의 意思를 統合치 못하고 保勝郎將公以下라도 派譜를 編纂刊行코  
거함은 南韓에 散在居住하고 있는 同派宗族間의 相互連結과 系統을 分  
明히하여 不遠將來에 統一된 然後 全國 大同譜를 發刊할時 貴重한 唯一  
의 根據로 하고자한다

去年四月譜牒刊行推進總會席上에서 前宗各位의 薦舉로 各任員의 選任  
과 같이 本人도 譜牒編纂에 對한 莫重한 所任을 맞게 되였으나 元來 菲  
才淺學으로 所期의 成果를 舉揚치 못할까 甚히 憂慮되던바 כיון으나 多幸  
히 唐坪宗丈在璣氏의 特別하신 配慮로 全力を 傾注하여 주심과 아울러  
族從成鎮世鎮 兩君에게 修譜에 對한 實務를 擔當케 하여 不撤晝夜努力  
한 結果 元來의 目的을 完遂하게 된 것은 任員各位의 絶對의인 聲援과  
直接間接으로 指導鞭撻하여 주신 德分으로 生覺되오니 修譜와 刊行에 있  
어 小毫의 誤差라도 있으면 前宗各位의 意思에 어긋남이 될까 甚히 두  
려워하는 바이다

癸亥年榴夏後孫士鎮謹稿

## 序

譜者統合同祖之族姓而係錄之謂也合其自出乎始祖者而大之則是之謂大同譜  
分其自出乎中祖者而小之則是之爲派譜也爲譜者舍大同而爲派者勢有所不獲  
己也顧今世變屢移生息物故屢嬗將有朝不慮夕之患且自丁酉大譜至于今已爲

二十七年之久矣政宜續修大譜而好事者不知春秋以疑傳疑之法大易謙挹自牧之道而惟自過信己言見湮往跡作僞徵而使之宗議竟歸於相歧是吾保勝郎將公派譜之所以作也竊惟族姓之蕃不蕃固有定分而亦未嘗無盛衰隆替之更迭焉惟道義則非定分之所能限而轉衰爲盛變替爲隆之械亦在於是焉惟我同譜諸宗深體祖先均視之念益勉孝友敦睦之行母忝所生以爲承先垂後之謨亦今日作譜之本意也不然而徒以族姓之合系錄之詳爲足以盡吾事則非區區所願也

癸亥年六月

日後孫在璣謹序

# 康氏得姓錄

義興宗人得心齋聖浩所錄曰濟州宗人縣監聖翊甫來示其家藏厥初譜牒云周武王克商之後箕子東出朝鮮武王因封之而不臣以遂其志是時中國人隨箕子東來者五千人而康叔封第二子亦隨而來至平壤箕子崇信義而篤儒術設八條而敦五倫詩書禮樂莞興東方蓋康叔封第二子助成教化多有勲勞而箕子以康叔之康字賜姓別封云平壤宗人尊聞庵垕所錄曰嘗觀萬姓統譜有曰康京兆商音衛康叔之後以謚爲氏愚謂康叔是武王之弟而封於衛則中國之康爲然而我東之康似未然也今見濟州宗人譜牒則乃知我東之康亦爲康叔之後也梧陰尹相公斗壽序平壤誌曰箕子率中國五千人入朝鮮今之遺民應是當時膚敏之苗裔云理固然也蓋康叔之子不事武王遠離其親從太師而來助成教化則其志與德之盛亦可想也然佚其名而不傳於後此爲可慨也已古之人以父之謚若字得姓者多不必辨說垕猥修譜牒謹述愚見如此云

濟州兵火所不統說相符則我康之爲康叔後無疑矣與

謹庵公曰康氏得姓之本原蓋如此矣而前後譜牒皆不錄獨濟州宗人譜牒如此者意其先祖被謫入海時持當時譜牒而往世守不失而此處譜牒則皆失之兵燹而然耶然春秋時邾武公字伯顏者有功於齊公成別封其子於鄖因其父字以顏爲氏即顏

子之先也然則以其父名與字而賜其子姓氏者古亦有之矣况是康叔之康字尚書註康畿內邑名或曰謚云爾而不是其父之名與字則以是而賜姓其子亦何足怪耶又按皇明李崆峒夢陽集中有康長公墓碑銘序曰長公名鏞其先固始人也長公臨歿執其子海號對山輪林院伯撰手而泣曰夫予先大聖人之苗裔也云云銘曰惟武王建侯衛邦厥有固始武功是祀嗚呼遐哉云云今以此而參觀於濟州譜牒及萬姓統譜則凡康氏無論中國外國皆爲康叔之後不翅較然矣謹茲並錄使爲吾康者有以知厥初得姓之由云爾

舊序

檀紀四千四十三年庚寅  
肅宗二十六年

族氏之有譜古也姓受於貫派分乎系譜者所以別其貫也序其系也雖以燁烜蕃衍之姓亦必待此而寓其推本敦親之義况乎衰微零替之甚者乎粵在羅麗之代世所稱將相勲貴之家必以康氏爲翹楚自鼻祖始至十餘代雖謂之青氳軒冕未必過矣逮至我朝慶安伯弼善克齋舟川竹磧校尉叅議諸公相繼立朝輝赫其家而又聲大之嗚呼何其盛歟自是厥後喬木之風漸遠五世之澤已斬雲仍之不絕如綫而於今至有不免爲匹庶者門欄非不素盛而華胄遙矣德蔭非不延及而餘慶衰矣今其存者蓋若而人而散在畿甸兩西三南關此關東等地系派之分將至二十代矣所

居之地亦各數千里矣何由知某之爲某派某人之在某鄉夫孰曰此是將相勲貴之後裔也哉然則等是行路之悠泛賤隸之匹儕豈不可哀之甚者乎此康氏族譜之所以比他姓氏尤不可闕者也不佞於此竊有所憾然于心者自念以單門孤族無一強近之親左顧右盼惟宗人是仗母論親屬之疎遠其所親愛未嘗不嫋然相得也詩曰凡今之人莫如我同姓豈不以一根而枝分同源而派別也哉此固人情之所同然者而不佞之視同宗者又如是出尋常萬萬此不佞所以倡是議而主是事期至於哀成是譜也幸而有宗中同志君子并力而完其役箕城尚惕甫春城峻榮甫碧城碩龜等是已凡一卷刊訖將以頒于諸宗是爲序者政在己丑秋八月庚子而適有雲水宗人載誠甫追聞來到言三南宗氏不至者頗多願乞叅錄更請改通非徒宗誼之慨然其間世系修正者未免訛誤故出於萬不獲已刪以改正疎行加錄凡二卷

崇禎紀元後庚寅夏五月庚寅不肖後孫朝散大夫前行成均館典籍友諒謹序

舊序

檀紀四千二百七年  
甲午英宗五十年

余嘗病夫世之修譜者著世德而鋪叙不實按系籍而考据不精不精則失之穀不實則失之侈若是者曷足以觀之哉黑蛇端陽日康君錫五致休抱一冊而來示曰此譜吾氏者成於宗人縣監友諒氏之手而其間一一誤處可以釐改百千孫支可以添書

故吾等僭不自揆按譜之故畧加潤色而將付剞劂氏子其爲我識之余固非能言者不足以塞吾子之責而第惟念君之先祖有若克齋公與吾先祖久庵公爲同門友有若竹磵一竹二公與吾五世祖浴潭公同里閈而有講學質疑之益二家事契之重如此余於君之譜役烏得無情於戲余觀康氏靈異著於羅簪組奕烏於麗文章節行大鳴於我朝試就其尤大著顯者而觀之侍中公食采于信實爲鼻祖象山公積德累仁誕膺沙麓之祥郎將公遷茲南服蔚然爲文獻之主於是大諫舍人伯仲公以文章氣節倡於前克齋舟川一竹諸先生以清名善行繼於後此則君世德之盛也若言其子孫之所自出則自信城君一傳而分於信原君三傳而分於版圖公又自郡事公分而又分之爲二派三派派流愈遠支屬愈蕃此則君族姓之多也世德之懿美不可以不記述子姓之蔓延不可以不載錄則此又君之譜所由作也雖然譜者非惟叙其族而所以敬其宗非惟敬其宗而所以重其祖修一譜而重祖敬宗叙族三者之義寓焉茲事顧不重且大歟如使稽考之際用意不精紀載之間處心不實則不足爲傳信之筆而反爲名家之累可不懼哉昔程叔子有言曰管攝天下人心收宗族厚風俗使人不忘本須是明譜系夫不忘本孝也收宗族敬也古人之保家宜族垂之百世而可法者用此道也然則今君之修譜也先以孝敬爲主闡發先蹟必思繼述之道裒輯族氏

必致敬謹之意推是心而行之則夫焉有不實不精之病也哉然後庶幾免於向所謂世俗穀且侈之譏而觀君之譜者亦足以開發孝敬之心此乃君之所宜勉而同君譜者亦不可不知此義也

癸巳仲夏下浣善山後人通訓大夫前行司憲府掌令金夢華書

人之於祖如木之本於根如水之源於淵雖枝條旁達派流分歧而元初則一而已以故世之欲收宗族而尊祖重本者必於譜牒上致力概所以明其系之所自出詳其派之由分于以敦孝敬之風講親睦之誼而俾不至於人道之相忘則其立人紀扶世教之道顧不在於斯譜乎惟我東方之康氏皆祖於聖骨將軍而羅初文獻無徵金寬毅所撰編年通錄只載聖骨後兩世而已國乘猶如此矧可徵信於漶闊一家牒乎逮入麗朝康氏昌大有侍中公食采於信城子姓因以爲貫鄉象山伯慶安伯上柱國諸公大顯於關北湖西之地而簪第赫烏封爵相仍自信川而又分爲谷山忠原晉陽之稱然其始則同一本也式至我朝西北之宗甚蕃衍而吾祖又大鳴於南土校尉公遊於司藝金先生之甥館與聞緒論而大諫舍人公實惟賢胤大諫公橫罹戊午之禍而義烈益彰又二世而克齋舟川公兄弟出焉羽翼斯文誠徹九旒而不幸中傷於蜮弩竹罿一竹公紹述名父賢祖之志業而張大家聲南土人士莫不斂衽而推爲名門是

宜有譜有牒傳信於後而獨恨吾先之未遑於斯役也往在庚寅宗人縣監友諒甫自海西而居于尚始發刊譜之議善之於尚壤相接也吾先之不爲同事而相役者概以修譜之爲鄭重不可容易辦得者也及其刊本出聖骨公以下相承五世未知國乘之所不載縣監公何所據而錄之也且吾派鴈序及官銜有錯誤處自吾先已嘗病之而亦未有以釐革也及今六十年之間門戶日益零替不佞居長於宗黨嘗留意是事而老矣無能爲惟堂弟錫五宗人致休幹敏可托大事遂定爲有司不憚途道之修復遍告南北之諸派既而宗人多往來商確庚寅之譜刊行已久故仍舊貫而畧加點綴至於谷山忠原晉陽三派始分而終合概出於不忘本也嗚呼觀吾譜者孝悌之心可以油然而生矣聖骨公受天之佑啓王氏五百載之基業侍中公輔佐麗室垂功名於竹帛先世之種德毓休保我子孫者有如是矣而但流派滋蔓涯角隔遠凡我同祖者面目之不相接情志之未交孚其不同於路人者幾希而尚幸斯譜之作收合宗而同一錄世次名諱開卷瞭然雖不爲古人花樹之會而親愛之心自發於響想之間若是心而警省以我孝敬之家法各自征邁無至墮壞則吾之門庶幾轉衰而復興蔭王槐而大于閭者其在斯矣

癸巳仲夏下浣後孫錫大謹序

人於斯世三才而立爲物之靈而異於禽獸者以其知本末辨內外而言也何爲本末  
祖爲本孫爲末也何謂內外宗爲內戚爲外也世代愈久派分愈遠則其於本末何以  
知其於內外何以辨乎知本末則人紀以立辨內外則姍親以睦是故保家宜族裒集  
姓氏寔古人之所貴而程叔子之明譜蘇明允之序系良有以也不佞素以無似學薄  
才疎雖不足與論於明譜系之道而常恨吾宗之譜牒累經兵燹散失無餘而去庚寅  
宗人典籍友諒甫綴拾殘篇而不無疎畧訛誤之弊則何可以此而爲遺傳之信籍耶  
何幸善山宗人倡設發通邀余同事故累辭不得僅能入梓而安知非如前之誤耶然  
則一時受責固所堪任而其於僭越之罪亦安可逃也以是爲後日之懼而已耳

歲甲午仲秋上浣後孫爾權謹序

舊序

檀紀四千一百三十八年乙丑  
純祖五年

曩在正宗己未歲上命立碑於神德聖后私第舊基而

御製以表之有曰姓康而居於谷者尚稱望族賤臣嘗覽此而恨未之見康氏系譜矣  
今者信城君後孫垕方修譜牒而遣其族人桂宗喜龍祚三君問序於余余不覺蹶然  
而起亟繙閱而見其忠孝行誼錄爲六十餘人不翅有勲爵之輝赫益知其原遠而流  
長也舊譜之成閱歲既久固宜增修而乃出於感恩不亦善乎三聖御筆御書之

印載於譜之卷首者實他姓所未得有也人之覽斯譜者視他譜宜有間焉豈可以近代之無冠冕而少之哉是譜之修視舊益精詳而一派之不曾同譜者今與之合編亦可爲一門敦叙之道也歟噫族之有譜古矣實所以收宗族而厚風俗立忠義而益朝廷也今譜於斯者苟能知此義而各自惕念課忠責孝保族宜家以致仁深而德厚則安知其後世之奕葉發舒不及於古昔盛時乎宜於歲時花樹之會交相勉勵焉然後庶不失古賢明譜之意云爾

乙丑暮秋德殷宋煥箕序

舊序

檀紀四千一百八十八年乙卯

大凡物有久廢而終焉成蹟因微眇而終焉闡寔天道人事之常理也人之於祖也有如水之於源木之於根根厚而枝達源遠而流長凡我修譜明系者其尊祖敦宗之義乎嗚呼我東之康氏皆祖於聖骨而逮至羅麗種德毓休軒冕鳥第已爲門戶之輝赫矣後孫零替箕裘蔑如誠是傷盡痛恨者也夫收宗之義大有質焉何者余嘗觀程朱子之訓曰譜系分明然後明大義所以立紀正倫承先啓後者也而保家宜族亦莫如斯譜之成也惟我世譜之修粵在庚寅典籍友諒氏剏始而在甲午善山宗人錫大甫繼修之伊後箕城宗人垕甫亦爲仍修迄今五十有餘年矣世代愈遠族姓愈蕃其

不至於道人之相忘者無幾而况又或抱孫而名不載焉或殊居而地不記焉於敦宗之誼不可泯然久廢故敢忘猥越而與族侄載學宗人學洙倡議通告八域于今七載而後修行始竣概譜事何等鄭重而不可容易者也豈可無危懼之心乎嗟我諸宗庶幾勉勵哉庶幾勉勵哉

崇禎紀元後四乙卯暮秋下澣後孫錫疇謹序

舊序

檀紀四千二百五十一年戊午

記曰峴山雖小其名特著於天下蓋峴之爲山至小而得羊叔子之豐功偉烈然後其名大著焉况氏族之先有累世勲戚者乎信川康氏之在東表者其麗雖不及商之不億而以椒旁之親大鳴於勝國入我朝又有康獻大王之妃則其爲輝赫奚翅如晉之一叔子而止哉然則在他姓猶或無譜而康氏之譜烏可已也夫譜者所以重祖先而敦宗族也此程張歐蘇之每眷眷於是而後世之所儀法者也譜若不修則昧於來處而視若路人雖欲親愛得乎今康氏修譜自鼻祖脚下散在四方者窮收合錄而宗支之別昭穆之序井井不紊如指諸掌則凡譜於斯者必有孝悌之心油然而生矣願母以明系收族爲能事而交相勉勵敦尚孝悌之風則斯譜也非直爲康氏之家史也亦可以警世俗之衰頹矣苟如是則康氏之昌大其庶幾乎不可以近世之稍不振

而小之也後當與峴山之名久而不磨矣烏不韙哉終始主幹是役而請余文者康琦  
錄也

時彊圉犬荒落遯之下澣成均進士德殷宋哲憲序

舊序

譜者普言也所以別宗支序昭穆而其歸止於明倫理而已倫理既明則近而父子兄  
弟遠而功緼袒免及百世支流罔非天屬也夫家之有乘猶國之有史也國無史無以  
詳其沿革事實也家無乘亦不能悉其傳受行蹟也古者史氏所謂世家者是也程夫  
子曰管攝天下人心收宗族厚風俗使人不忘本須是明譜系張子曰宗法若立則人  
各知來處夫使宗族各溯其來處而不忘則風俗教化亦因是而正矣由此觀之譜之  
力雖係一家之敦族其有關於天下國家者尚矣惟吾康之於東方實爲巨族而在昔  
三朝之稱聖骨四聖之賜筆蹟蓋吾宗百世之榮而往往以節義勲業文學孝悌有著  
於太常耀於鄉黨者且况勝國以來未嘗有一千紀之姦者則此可以有辭於當時矣  
詩云夙興夜寐無忝爾所生又曰無念爾祖聿修厥德者斯乃吾宗世守之真誼也蓋  
延綿吾東殆近二千載矣譜凡幾修而今去甲寅爲六十餘年之久子孫蕃衍至夫昭  
穆幾乎紊焉而尚因循不能釐修豈非繼先裕后者之所以汲汲乎昔我先君每於大  
同譜之修未嘗一日忘諸心而未遑焉不肖於是乎惟懼夫不能述其志矣幸有全州

在龍甫善山道然甫定州祥彥甫魯城永九甫皆綜詳慎密可以能勝大任而今同心  
殫力則皆無慮於濟事矣是以凡四年而功告訖又何其速也嗚乎編既成矣夫一祖  
之孫布濩於邦內者無不哀輯則衆派之某宗某支某昭某穆一開卷而了了在目如  
一室同爨之口則蘇氏所謂塗人云者吾不信然矣然此皆一家之文獻也其筆削之  
規諸宗之所以夙講而致謹也其或免夫日後不足徵之譏歟琦錄具員也惟幸僉君  
子之賢勞而竣耳抑又有一說焉吾宗門戶近頗寥寥使家行忠信人篤學問如中葉  
之世則安知不有豐功偉烈復能繩祖武者哉切有望於後生也

### 舊序

歲戊午維夏下澣後孫琦錄謹序

夫氏族之譜何爲也憂世系歷事之失其傳而編也舊譜歲久增補固宜而今於康氏  
修譜見之矣一日法制室長康明玉同志來訪曰吾譜目的惟在於明系詳派以立人  
紀萬宗同錄以扶世教云請余序之余辭不得盥手閱譜康氏周武王弟康叔封之第  
二子諱侯始居朝鮮助成國政多有勳勞箕子嘉其盛德封關鼎大勳功臣其時以父  
謚康叔之康字賜姓自此傳至百十餘世代諱啓事實歷歷昭載是源遠流長之煌煌  
他譜之所未見者也新羅朝聖骨將軍公諱虎景受天之佑而啓王氏之基高麗朝侍

中公諱之淵輔弼麗宮而食采於信城（信川古號）子姓因以爲貫於箕於羅於麗康氏昌大史籍之所徵也我太祖英宗正宗高宗四聖御書冠其首篇列聖所以寵異之典人不可想像又見其忠孝行誼文章顯爵則尤徵其世德之風矣康氏本貫信川也而外有異貫之多今回一譜是顧本睦族之義也於戲斯譜實所以收宗族而厚風俗孰不觀感而興起也哉國土兩斷北不同譜是時運所致而彼此所恨也本世譜康門會開大宗總會於神德王后貞陵合修譜之決議設譜所于御書閣譜事營爲于今三載事鉅力綿功未告竣再開大宗總會新構信川康氏世譜編纂推進委員會役員相互同心同役以成衆宗之所望豈不美哉嗚呼昔有程氏之明譜今有康氏之修譜彼此相似也而該當人道覽此譜者苟有良心孝敬之思自然感發世世繼編此譜派備置譜牒則宗支系統之傳去益長明同族親善之誼自然強化庶幾補有於國家矣遂爲之序

檀紀四千二百九十年丁酉十二月上澣

大法院長蔚山金炳魯序

# 世譜上

一世

康侯

周武王弟康叔封之第二子也

周紀一千二百十二年

周武王年己卯隨

箕子同至平壤

箕子建國設八條而篤儒

術敦五倫而崇信義公助成教化多有勲勞王

箕子嘉其盛德冠廷偉績萬世封關鼎大勳功臣特以父謚康叔之康字賜姓我東康氏自此始焉公實施聖人君子之道教民三綱五常禮樂文物之方膚敏賢士聞風而來者如水就下故世人稱號曰教化先生哲威王朝追封牧師

子英德

兵長

子述

里正

三世

子以勲

莊惠王朝以名臣特封翊

贊三重大匡大師

侍衛有事諫君致聖德

里長作般渡海里民號

曰里王鄉黨咸頌之

文武王朝司收官

換陰呼雲爲雨喚風爲溫涼

太原王朝司土官

四世

子筠

里長作般渡海里民號

見山川高低清濁作地

名分境界

太師

書文字如箕如符

六世

子之詢

見山川高低清濁作地

名分境界

太師

書文字如箕如符

子憲東

五世

見山川高低清濁作地

名分境界

太師

書文字如箕如符

子震東

六世

見山川高低清濁作地

名分境界

太師

書文字如箕如符

子震東

下見

子相均

下見

震東

見

點候化民

興平王朝奉使入中國問堯舜之道還告其君以輔聖德君喪三年

子以乙

七世

子閼

八世

子永照

九世

子相

十世

子銑

十一世